



Broj: 101-1-3751/24

Datum: 7.10.2024. godine

Na osnovu člana 64. stav (1) tačka b), člana 70. stavovi (1), (3) i (6) Zakona o javnim nabavkama („Službeni glasnik BiH“, broj 39/14, 59/22 i 50/24), članom 8. stav (2) tačka d) Pravilnika o uspostavljanju i radu Komisije za nabavke („Službeni glasnik BiH“, broj: 103/14 i 49/23), članom 27. stav (2) Pravilnika o javnim nabavkama Univerziteta „Džemal Bijedić“ u Mostaru broj: 101-1-1638/17, a na preporuku Komisije za javnu nabavku broj: 180-3750/24 od 7.10.2024. godine, rektorica Univerziteta „Džemal Bijedić“ u Mostaru donosi

ODLUKU

o izboru najpovoljnijeg ponuđača u postupku javne nabavke „Nabavka metalnih polica za potrebe Studentskog doma Antalija“

I

Prihvata se preporuka Komisije za javnu nabavku u postupku javne nabavke robe, metalne police za potrebe Studentskog doma Antalija, broj: 180-3750/24 od 7.10.2024 godine i ugovor o nabavci metalnih polica se dodjeljuje ponuđaču „Defter“ d.o.o. Sarajevo, Gatačka 20, 71 000 Sarajevo, u skladu s ponudom broj: 547/2024 od 4.10.2024. godine.

II

Ugovor o nabavci robe se dodjeljuje ponuđaču iz tačke I ove Odluke, sa ukupnom cijenom od 2.138,00 KM bez PDV-a.

III

Izabrani ponuđač je dužan dostaviti dokumente u svrhu dokazivanja činjenica iz člana 45. Zakona o javnim nabavkama BiH („Službeni glasnik BiH“, broj: 39/14 i 59/22), potvrđenih u izjavi iz Aneksa 3 Tenderske dokumentacije u predmetnom postupku, u skladu sa tačkom 14.4. TD u roku od 5 (pet) dana od dana prijema Odluke o izboru najpovoljnijeg ponuđača.

IV

Ugovorni organ će dostaviti na potpis izabranom ponuđaču prijedlog ugovora, i to nakon isteka roka od 5 dana, računajući od dana kada je ponuđač obaviješten o izboru najpovoljnije ponude.

V

Ova Odluka objavljuje se na web stranici Univerziteta, www.unmo.ba istovremeno sa upućivanjem obavještenja ponuđaču koji je učestvovao u postupku javne nabavke, u skladu sa članom 70. stav 6) Zakona o javnim nabavkama („Službeni glasnik BiH“, broj: 39/14, 59/22 i 50/24).

VI

Obavještenje o dodjeli ugovora i Izvještaj o provedenom postupku objavljuje se u skladu sa članom 74. i 75. Zakona o javnim nabavkama („Službeni glasnik BiH“, broj 39/14, 59/22 i 50/24).



Obrazloženje

Odlukom broj:101-1-3595/24 od 25.9.2024.godine pokrenut je postupak javne nabavke robe, metalne police za potrebe Studentskog doma Antalija, putem konkurentskog zahtjeva za dostavu ponuda.

Komisija za provođenje postupka javne nabavke metalnih polica za potrebe Studentskog doma Antalija, imenovana je Odlukom broj: 101-1-3596/24 od 25.9.2024. godine.

U skladu sa Odlukom o pokretanju nabavke ukupna procijenjena vrijednost nabavke bez PDV-a iznosi 2.150,00 KM

Obavještenje o nabavci broj: 66-7-1-113-3-42/24 objavljeno je na portalu javnih nabavki dana 27.9.2024. godine zajedno sa Tenderskom dokumentacijom broj:101-1-3680/24 od 27.9.2024. godine.

U skladu sa Tenderskom dokumentacijom i obavještenjem o nabavci dana 7.10.2024. godine sa početkom u 10:15 sati održano je javno otvaranje ponuda. U predviđenom roku za prijem ponuda (7.10.2024. godine do 10:00 sati) zaprimljena je 1 (jedna) ponuda kako slijedi:

Rb.	Broj protokola	Naziv/ime ponuđača (šifra)	Datum i sat prijema
1.	180-3739/24	Defter d.o.o.	7.10.2024 u 8:54 h

Nije bilo neblagovremeno pristiglih ponuda.

Na javnom otvaranju ponuda nije bilo prisutnih predstavnika ponuđača. Javno otvaranje ponuda provedeno je u skladu sa Zakonom o javnim nabavkama („Službeni glasnik BiH“, broj 39/14, 59/22 i 50/24) i Uputstvom o načinu vođenja zapisnika o otvaranju ponuda („Službeni glasnik BiH“, broj 90/14). Po završetku javnog otvaranja zapisnik o otvaranju ponuda je potpisan te poslat elektronski putem e-maila ponuđaču koji je dostavio ponudu.

Komisija je na zatvorenom sastanku dana 7.10.2024. godine sa početkom u 10:30 sati započela sa pregledom i ocjenom ponude.

Pregledom dostavljene ponude Komisija za nabavku je utvrdila da je ponuda dostavljena na propisan način i da je koverta sa ponudom ispravno zatvorena. Komisija je izvršila pregled, analizu i ocjenu traženih i dostavljenih dokumenata na osnovu kojih se utvrđuje postoje li razlozi isključenja ponuđača, kao i analitički prikaz traženih i dostavljenih dokumenta u svrhu ispunjavanja svih uslova shodno tenderskoj dokumentaciji, kao i analizu ponude vezano za ispunjenje zahtjeva u pogledu opisa predmeta nabavke i pregleda obrasca za cijenu ponude.

Nakon izvršenog pregleda ponuda Komisija je jednoglasno konstatovala sljedeće:

Ponuda ponuđača „Defter“ d.o.o. Sarajevo je kompletna i prihvatljiva i u istoj su dostavljeni svi traženi dokazi propisani tenderskom dokumentacijom, na propisan način. Komisija je provjerila popunjeni obrazac za cijenu ponude, te utvrdila da ponuda ponuđača ispunjava sve zahtjeve u pogledu opisa predmeta nabavke i tehničke specifikacije. Ukupna cijena ponude iznosi 2.138,00 KM bez PDV-a. Ponuđač nije dao popust na cijenu.



Nije bilo osnova za ispravku računskih grešaka u kompletnoj i prihvatljivoj ponudi.

Tačkom 28. Tenderske dokumentacije u predmetnom postupku je predviđeno održavanje e-aukcije za ovaj postupak nabavke, te obzirom da je stigla jedna prihvatljiva ponuda, e-aukcija nije zakazana u skladu s odredbama Pravilnika o uslovima i načinu korištenja e-aukcije („Službeni glasnik BiH“ broj:80/23)


Komisija za javnu nabavku jednoglasno je dala preporuku rektorici Univerziteta da se donese odluka o izboru najpovoljnijeg ponuđača, te da se ugovor dodijeli ponuđaču „**DEFTER**“ d.o.o. **Sarajevo**, sa ukupnom cijenom ponude **u iznosu od 2.138,00 KM bez PDV-a**. Komisija je jednoglasno utvrdila da je ponuda prihvatljiva i u skladu s tenderskom dokumentacijom.

Ovom Odlukom prihvaćen je prijedlog Komisije. U postupku donošenja Odluke posebno su cijenjene činjenice da je Komisija za javne nabavke pravilno i potpuno dala ocjenu prispjelih ponuda kao i da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima, internim aktima i Tenderskom dokumentacijom.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi putem Ugovornog organa najkasnije u roku od 5 (pet) dana od dana prijema ove Odluke, u pisanoj formi u tri primjerka.

REKTORICA


prof. dr. Alena Huseinbegović



Prilog:

1. Zapisnik o pregledu i ocjeni ponuda

Dostaviti:

1. Ponuđaču: „DEFTER“ d.o.o. Sarajevo
2. Rukovodiocu Studentskog doma Antalija
3. Arhiva javnih nabavki
4. a/a